

kalâtdlit arnat atugait pivdlugit udvalge

1965-ime statsministerip „kommissione arnap inuiakatigîngne kanok inigssisimaneramik sangmissartugssak“ pilersípâ. kalâtdlit arnat sivnerdlugit Guldborg Chemnitz tássane ilaussortagssatut torkarnekarpoκ. 1969-ime kommissione táuna ingmîkut atautsimîtitaliorpoκ: „kalâtdlit arnat atugait pivdlugit udvalge“. Guldborg Chemnitz tássunga sujuligtaissûvoκ. kalâtdlit arnat avdlat mardluk udvalgimut ilaussortángorput: jûmôκ Elisabeth Johansen landsrådimit torkarnekarðlune kommunalbestyrelse-mutdlo sujuligtaissok Agnete Nielsen Kalâtdlit-nunâne arnat pekatigîgfianit torkarnekartok. kalâtdlîtaok folketingimut ilaussortat ilaussortángorput kîsalo kavdlunât sisamat ingmîkut ilaussortángortînekardlutik. táukunánga mardluk, dr. jur. Agnete Weis Bentzon äma cand. polit. Rita Knudsen, udvalgip sulinera tamákerdlugo pekatáuput.

udvalgip sangmissagssat arnat inuiakatigîngne kalâtdline inigssisimaneránut pingârutekardluínartut sangmisimavai 1975-ivdlo ukiaunerane kavdlunâtôrdlutigdlo kalâtdlisôrtunik sisamanik sarkúmersitsivdlune. sarkúmersitat tamarmik atekarput:

„Kalâtdlit-nunâne arnat inûnerat atugaitdlo“.

atuagkap sujugdliup píssutsit nalingínau-
nêrussut imarai:

„arnak ínugtaokatigîngnilo ineriartorneκ“.

ilaisa pingasut sangmissagssat uko suku-
mînerussumik sangmivait:

„arnak sutdlivigssatdlo“,

„arnak inigissardlo“ kîsalo

„arnak ilakutarîtdlo“.

atuagârkamik suliarîngnigtûput Agnete Weis Bentzon, Guldborg Chemnitz udvalgimutdlo agdlagit mardluk, Anne Buch Jørgensen Viggo Poulsenilo, kîsalo professor Torben Agersnap.

sarkúmersitat píssutsit kanok íssusivî-
nik pâsisitsiniutauvdlutigdlo okatdlîsâru-
táuput. udvalgip kigsautigisimakâ sar-
kúmersitatigut angunekásassok inuínait
– tássa politikerînáungitsut administra-
tionimilo sulissuínáungitsut – inuiakati-
gîngne ajornartorsiutinut ísumernigssât
piorsainermutdlo súnîsínaulersîniarnig-
ssât.

Kalâtdlit-nunâta ministerekarfiata
Kalâtdlit-nunânîlo káumarsainîkut ká-
tuvfiup pekatigîgdlutik Guldborg Chem-
nitz ukiup agfâne konsulentitut atorfi-
nigtisimavât sulíssutigîngnigtugssángor-
titdlogo Kalâtdlit-nunâne pekatigîgfîng-
ne, atuarfîngne, avîsêrkane avdlanilo
sarkúmersitat okatdlîsârutitut atorne-
karnigssât isumagîsagâ.